



Uunga Vivian Motzfeldt
Inatsisartuni ilaasortaq
-/her

Angajoqqaarsianut tunngatillugu § 37 naapertorlugu apeqqut nr. 186-imut akissut

29-07-2015
Sags nr. 2015 - 6787
Dok. nr. 790480

Apeqqutinut nassiunneqartunut qujanarujussuaq.

**1. Ilaqutariit, meeqqanut angerlarsimaffiup avataanut
inissinneqarsimasunut paarsisartut aningaasarsiatigut atugassarititaat
meeqqamut ataatsimut qanoq annertutigaa?**

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: inin@nanoq.gl
www.naalakkersuisut.gl

Meeqqanik inuuusuttunillu ikorsiisarneq pillugu Namminersornerullutik Oqartussat nalunaarutaat nr. 32, 14. december 2006-imeersoq malillugu, aningaasat isumaginninnermi tunniunneqartartut pillugit Kaajallaasitami akissarsiat annertussusaat saqqummiunneqarpoq. Aammattaaq nalunaarummi tassani § 19-imi, perorsaanissaq isumassuinissarlu eqqarsaatigalugit angajoqqaarsiat immikkut ittumik suliniuteqarnissaat piumasaqaataappat akissarsiassat 50%-imik imaluunniit 100%-imik qaffanneqarsinnaapput, taavalu nukinginnartumik sivikitsumillu inissiinermi paaqqinninnersiutit qaffallugit tunniunneqassapput, aningaasat inunnik isumaginninnermi tunniunneqartartut pillugit Kaajallaasitami aamma nalunaarutigineqartuni
Aningaasat isumaginninnermi tunniunneqartartut 1. Januar 2015 atuuttut pillugit kaajallaasitaq nr. 280-imi § 10-mi nalinginnaasumik paaqqinninnersiutit qaammammut kr. 4.123-iupput pilertortumillu inissiinermut ullormut kr. 330-iullutik. Takuuk:
<http://naalakkersuisut.gl/kl-GL/Naalakkersuisut/Naalakkersuisoqarfiit/Familie-Ligestilling-og-Sociale-anliggender/Familie/Lovgivning/Sociallovgivningen>

Meeqqanik inuuusuttunillu ikorsiisarneq pillugu Namminersornerullutik Oqartussat nalunaarutaat nr. 32, 14. december 2006-imi § 18, imm. 1 naapertorlugu ilaqtariinnut inuussutissarsiutigalugu paarsisartunut aningaasarsiat atorfininnermilu pissutsit allat kattuffimmut naleqquttumut isumaqatiginninniarsinnaatitaasumut isumaqatigiissutit malillugit aalajangersarneqassapput. Aningaasat isumaginninnermi tunniunneqartartut 1. Januar 2015 atuuttut pillugit kaajallaasitaq nr. 280-imi § 9 naapertorlugu akissarsiat annertussusaat Naalakkersuisut kiisalu Perorsaasut Ilanniarsimasut Peqatigiiffiata akornanni Kalaallit Nunaanni perorsaasunut sullisisunut isumaqatigiissutaanni aalajangersarneqarpoq.

2. Aningaasatigut atugassarititaasut saniatigut tapiissutigineqarsinnaasut suuppat?

Tapiissuit allat pillugit paaqqinninersiutit saniatigut angajoqqaarsiat qaammammut kr. 1.000-imik nerisassarsiniutissaminnik tapiiffigineqartarput. Nalinginnaasumik, ilinniarsimasuni angajoqqaarsiani taavalu Namminersorlutik Oqartussat ulloq unnuarlu paaqqinnittarfiini meeqqat inuusuttullu imatut nerisassanut-, kaasarfimmiussanut atisassarsiniutissanullu tunineqartarput: meeqqat 16-init inorlugit ukiullit ullormut kr. 36, inuusuuttut 16 aamma 18 akornanni ukiullit ullormut kr. 42. Inuit 18 sinnerlugu ukiullit siusinaartumilli pensionisiaqanngitsut qaammammut kr. 1.767. Ulloq unnuarlu paaqqinnittarfimmut inissinneqarnermi aamma allatsinnermut akiliuteqarpoq annerpaamik kr. 5.109-inik.

3. Meeqqat ilaqtariinnut inissinneqarsimasut meeqqanut tapisiassaat (A-bidrag) meeraq malillugu ilaqtariinnut inissinneqarfiannut tutsinneqartarp? Imaluunniit qanoq?

Meeqqanut akilersuutit il.il. kiisalu meeravissiartaarnermi tapiissutit tunniunneqartarneri pillugit Namminersornerullutik Oqartussat nalunaarutaat nr. 2, 3. marts 1994-imeersoq, § 1, imm. 3 malillugu, meeqqanut inuusuttunullu ikorsiisarneq pillugu peqqussut malillugu meeraq pisortanit angerlarsimaffiup avataanut inissinneqarsimappat imaluunniit pisortanit tamakkiisumik pilersorneqarpat akilersuutinik (siornatigut A-bidrag) tunniussisoqarsinnaanngilaq.

Inussiarnersumik inuulluaqqusillunga

Martha Lund Olsen